

PLOANIES SAN MARTIN Y LUNGIARÜ

Él mo magari ciamó porsones che se metess a disposiziun da tó pert ala formaziun por daidé para tla pastoral di sacramènc d'iniziaziun (bato, comuniun y crejima)? - Sciöch'i un bele scrit fora da d'aisciöda él preodü na formaziun de 10 dis (na pert da d'altonn y na pert d'ainsciöda), mo le curs pó ma gní fat tla Val Badia sc'al é almanco 8 porsones che tol pert. Ciamó n'él nia prenotaziuns assá, porchël preibel anunziesse pro Annamaria Fiung al nr 347 52 77 810.

Por l'ann de scora nü ti audunse ai scolars y ales scolares, ai studènc y ales stüdèntes, ai/ales maestri/es, ai/ales insegnanc/tes, ai geniturs y a düc chi che laora tles scores por pitè n bun sorvisc ligrèza, forzes nöies y motivaziun da mète man, y da jí inant tröpa paziènza y dorada.

Invit a düc i geniturs che á na picia möta o n pice möt da batié, pers che aspeta, toc y totes de nosc decanat, ala preparaziun dl Bato, en sabeda ai 10 de setèmber, dales 15.00 ales 17.00, tl salf dles uniuns a La Val cun n pice renfresch carjigné dala uniun dles ères da La Val, a d'ères bel dilan! Prenotaziuns al numer 328 07 17 796.

SAN MARTIN

La Mëssa de scomenciamènt dl ann de scora, che vègn tignida deboriada por la Scora elementara San Martin y la Scora mesana, é le pröm dé de scora, en lönesc, ai 05 de setèmber, dales 8.00,

LUNGIARÜ

La Mëssa de scomenciamènt dl ann de scora a Lungiarü é en lönesc ai 05 de setèmber, dales 10.00.

Düc é invia en domènia, 11 de setèmber, ala prozesciun sö La Crusc dales 14.00 da insom le lift demez y lassö te dljia ala Liturgia dla Parora dales 15.00.

Orars nüs dla Portina por assistènza y cura tl Raiun Sozio-Sanitar a Picolin La Portina por l'assistènza y cura tl'alzada a tera é daverta da sègn inant trèi iadi al'edema: le lönesc dales 14.00 ales 16.00, le mercui y la jöbia dales 10.00 ales 12.00, tel. 0474 586 123 tratan chisc orars.

Le team informèia sön düc i sorvisc sozio-sanitars y de assistènza, les poscibilités de sostègn y alisiramènt, i aiüc esistènc, i dèrc y dovèis y le sostègn finanzia; al aconsièia tles dezijiuns che é da tó y dèida da fá de vigni sort de domandes y d'atres pratiches burocratiches canche na porsona o n familiar adora guern.

Tl Ciamp dal Sport Pradel podunse jí incö, domènia, 4 d'otober, dales 15.30, a ti ciaré ala partida dal palé de 3a categoria danter Val Badia y Uttenheim.



Plata dles Ploanies San Martin y Lungiarü

plaoan siur Klaus Sottsas 344 15 54 055 - klsottsas@rolmail.net
curat siur Heinrich Perathoner 339 65 74 213
redaziun: anton.gasser@rolmail.net - 348 27 44 517 / 0474 523 194



04.09. - 11.09.22 n. 41

<https://www.valbadiaonline.it>

ultimo termo por comunicaziuns: jöbia, dales 20.00

23^a DOMÈNIA IA POR L'ANN C

Vangele do Lūca 14,25-33

Sc'al n'é un che vègn da mè y ne desprijèia nia pere y uma, fomena y mituns, fredesc y sorus, y cinamai süa vita, ne sciäfiel nia da ester mi discepul. Chël che ne porta nia süa crusc y ne me vègn nia do, ne sciafia nia da ester mi discepul.

Sce un de os ô fà sö na tor, ne se sèntel nia jö impröma y fej do i cuncé, por odèi sce sü mesi arjunj por so plann? Zënza podéssera sozede, ch'al fajess la fondamènta, mo ch'al ne sciafiass nia spo da rovè le fabricat. Y düc chi che l'odess, le coienass y dijess: Chèsc chilò à metü man da fà na tor y n'à nia sciafié da la rovè. O sce n re va a fà vera cuntra n ater, ne se sèntel nia jö denant y pènsa sura, sc'al po, cun sü diescmile omi, jì cuntra chël che vègn decuntra cun vintmle? Sc'al ne po nia, spo ortièiel sü anunziadus adora assà cina che l'ater é ciamò dalunc y preia do pèsc. Porchël ne po degun de os ester mi discepul, sc'al ne renunzièia nia a döt so avèi.



Da pié ia sön le tru dla crusc nes mèt Gejú dant condiziuns bindebó ries da ademplí y nes cunta n valgügn ejèmpli fora dl ciamp dl fabbriché y dla vera. La condiziun da lascé ia y renunzié a döt y fá i cunc danfora sprigora bëgn n pü'.

Mo i podun ince ponsé ci che sará ala fin y la odèi da chël vers.

Dailó se deura na prospetiva plü lominosa.

Le tru devènta plü saurí sc'i ponsun al travert: completamènt, salvèza, da ciasa pro ldí, proteziun pro d'èl, en cört: grazia y amur.

Y chèsc nia ma ala fin, mo bele sön tru te chël vers.

Chël che vá danfora y chi che ti vá do ne vá nia da susc;

Chël che chërda da ti jí do vá impara.

image

EDEMA	SAN MARTIN	LUNGIARÜ	 I periun do l'intenziun dl Papa tl mëis de setëmber
04.09.22 23^a Domënia ia por l'ann C Domënia di Agnui Custodi	9.00 Corona por vocaziuns 9.30 Gran Mëssa <u>di jogh</u> en onur di Agnui Custodi + + siur Angel Morlang y Ida Deiaco Benedisciun dl tëmp	7.50 Corona 8.15 Gran Mëssa por la comunité en onur di Agnui Custodi Benedisciun dl tëmp 11.30 Bato de Jannik Moling 15.00 Corona tla capela S. Ojöp Fr.	I periun che la pëna de mort vëgnes proibida dala lege te düc i stac dla tera, deache ara é cuntra la dignité de vigni persona.  <i>Tl mëis de setëmber é l calënder trëi de pices festes de santa Maria:</i> - le nadé de Maria ai 8, - l'inom de Maria ai 12 y - Maria adolorada ai 15 <i>che nes recorda perts dla vita de santa Maria.</i> <i>En chëst'edema é indô scolares y scholars, studënc y studëntes che pëia ia a scora.</i>  Chël Bel Dî i benedësces - sön so tru da ciasa demez ch'al ti sides lisier - sön so tru da jí te scora ch'ai vais ite ion - ti banc da scora ch'ai se sintes bëgn - tles leziuns benedësci - cun la vöia da imparé - cun la forza da se conzentré - cun l'inteliënza da capí - cun la ligrëza por ci ch'ai impara - tl tëmp lëde benedësci - cun na buna compagnia - cun de bi momënc ch'ai pois s'la rí - cun les regoles respetoses di jüc - ti raporc cun maestres y insegnanc - cun respet, paziënza y comprenjiun - a ciasa - cun la orenté da fá sü compiti - te süa vita dan da Chël Bel Dî - cun na conferta via cun Èl - cun scincundes y esperiënzes d'amur - cun la reconescënza dla vita te Süa creaziun - cun So edl y Süa man destenüda sön ëi - cun So agno custodes che i condüj.
05.09.22 Lönesc <i>Teresa da Calcuta, Rosvita</i>	8.00 Mëssa de scomenciamënt dl ann de scora per elem. y mesana en onur dl Spirit Sant	10.00 Mëssa de scomenciamënt dl ann de scora en onur dl Spirit Sant	
06.09.22 Dedolönesc <i>Zacaria, Consolata</i>	19.00 Mëssa dl ann + Heinrich Erlacher + + Videsott, Picolin + Uli Costabiei, Corvara		
07.09.22 Zelestin, Iudita, Regina Dedemesaledema		7.30 Mëssa + + Fonjo y Catharina Castlunger	
08.09.22 Jöbia <i>Nadé de Santa Maria, Adrian, Alan</i>	7.30 Mëssa + Antonella Ellecosta Corona por vocaziuns		
09.09.22 Vëndres <i>Pire Claver, Corbinian</i>	18.30 Devoziun chîta 19.00 Devoziun deboriada	7.30 Mëssa + Maria Castlunger	
10.09.22 Sabeda <i>Segra di Doms da Porsenú y Balsan</i>	20.00 Mëssa prefestia por les families + Ida Rubatscher Erlacher	18.30 Mëssa prefestia de rengraziamënt dl Agno Custode + + Mariangel y Iudita Clara	
11.09.22 24^a Domënia ia por l'ann C	9.00 Corona por vocaziuns 9.30 Gran Mëssa por la comunité de rengraziamënt ai sanc Patrons Benedisciun dl tëmp <i>Siöche fat fora dal Consëi de cöra sará la Mëssa <u>por todësch</u></i>	7.50 Corona 8.15 Gran Mëssa por la comunité Benedisciun dl tëmp 14.00 Prozesciun sö La Crusc da insom le lift demez 15.00 Liturgia dla Parora sö La Crusc	